

Խմբային աշխատանք՝ «Կերպարային քարտ» մեթոդով

Դ. Վարուժանի «Հարճը» պոեմի կերպարները

Հեղինակ՝ Անահիտ Հովհաննիսյան



«Կերպարային քարտ» մեթոդի նպատակը, նկարագրությունը

առաջ և *հետո* ժամանակատարածային կտրվածքով: Աշակերտը արտահայտում է

«Կերպարային քարտ» մեթոդի կիրառմամբ կարելի է խթանել աշակերտի վերլուծական-քննական մտածողությունը, զարգացնել կերպարների միջև համեմատական գուգահեռներ տանելու հմտությունը, ինչպես նաև քննել և դիտարկել կերպարը բեկումնային դեպքերից

ինքնուրույն դատողություններ հարցի շուրջ, կերպարի հանդեպ ձևավորում անհատական վերաբերմունք:

«Կերպարային քարտում» աշակերտները ձևակերպում են գրական երկի կերպարը բացահայտող հարցադրումներ այնպես, որ ներկայացվեն կերպարների արտաքին հատկանիշները, ներաշխարհի խմորումները, հուզական վիճակները, արարքների դրդապատճառները, կրած փոփոխությունները:

«Կերպարային քարտ» ստեղծելու քայլերը

- Ուսուցիչը աշակերտներին բաժանում է խմբերի և յուրաքանչյուր խմբի հանձնարարում ստեղծել մեկ կերպարային քարտ՝ ընտրելով տվյալ ստեղծագործության կա'մ առանցքային հերոսի, կա'մ երկրորդական:
- Խմբերը ներկայացնում են կերպարին *Առաջ և Հետո* մոտեցմամբ:
- Սկզբում քարտը բաժանում են 2 մասի՝ *Առաջ* և *Հետո*, այնուհետև ընտրում են կերպարի արտաքինին համապատասխան նկարներ և զետեղում քարտի համապատասխան մասերում:
- Կերպարի նկարի ներքևում սեղմ վերաշարադրում են սյուժեի այն դրվագները, որոնք բացահայտում են կերպարին բեկումնային դեպքերից *առաջ* և *հետո*՝ տալով նրա վերաբերյալ սեղմ տեղեկույթ: Բացահայտում են կերպարի արարքները, բնութագրում նրա արտաքին հատկանիշները, ներկայացնում ներաշխարհի ապրումները:
- Սյուժեն շարադրում են այնպես, ասես թե գրուցում են կերպարի հետ՝ նրան դիմելով «Դուք»-ով: Սա աշխուժացնում է պատումի ոճը, հնարավորություն տալիս աշակերտին պատմելուն զուգահեռ անել մեկնաբանություններ:
- Վերոբերյալը շարադրելիս կիրառում են տեքստային մեջբերումներ՝ ասվածը հիմնավորելու համար:

- Քարտի ներքևում գրում են կերպարի բազմակողմանի և խորքային վերլուծությանը միտված հարցադրումներ: Հարցերը նույնպես պետք է ձևակերպել երկրորդ դեմքով:

«Կերպարային քարտը» կիրառելու քայլերը

- Խմբերը իրենց կերպարային քարտերը ստեղծելուց հետո անցնում են քննարկման փուլին:
- Բակուրի «կերպարային քարտ» ստեղծած խումբը դասարանին ներկայացնում է սյուժի սեղմ վերաշարադրանքը, իսկ հետո իր կազմած հարցերի միջոցով զարգացնում կերպարի վերլուծությունը:
- Ուսուցիչը կարող է վարվել իր հայեցողությամբ և պահանջել, որ խումբը Բակուրի կերպարը բացահայտող հարցերը ուղղի Տրդատի կերպարը ներկայացնող խմբին, իսկ վերջիններս էլ իրենց հարցերը կուղղեն Նազենիկի կերպարը ներկայացնող խմբին:

Խմբեր

Կերպարներ

	Նազենիկ
	Տրդատ
	Բակուր

Կերպարային քարտի մեկ օրինակ

Առաջ

Հետո



Գուր Սյունյաց Բակուր նահապետն եր:

Սյունյաց ապարանքում կազմակերպել եք խրախմանք իշխանների, ճորտերի, չքնաղազեղ կանանց ընկերակցությամբ.

-Գարնանամուտ երեկո մ'իր պալատին մեջ մարմար, Բակուր, Սյունյաց նահապետ, շքեղ հանդես մը կու տար...

Ձեր պերճաշուք ապարանքում «հայկազուն Մեծամեծների» շարքում հյուրընկալվել է Բագրատունի Տրդատը.

-Տրդա'տ, այս գիշեր քուկդ է իմ տուն. Մտի'ր սրահը տոնին, թող իրարու դեմ փշրին Մեր բաժակներն, ու մեր սերը մկրտե թող գինին:

Ճորտերը, բղեշխները, ազատանին քաջարի «դեմ հանդիման բազմեր են, բայց ո՛չ իրենց մեծանուն Աստճանին համեմատ, այլ սուրբու մեծության»:

Ու խնջույքի թունդ պահին «լույսերու հոծ ծովուն մեջ» վարձակը ձեր Նազենիկ, որին նիզակով էիք շահել երկարատև պայքարում, կռվախնձոր դարձավ ձեր ու Տրդատի միջև.

Չինավառ ձիավորների հետ հետապնդում եք Տրդատին և Նազենիկին՝ լցված անգութ ստելությամբ և «արյամբ դիտերիմ».

-Բակուր մեջտեղն էր անոնց՝ աշտանակած ահեղ ձին, Կուգար լուծել իշխանեն վրեժ, պատժել հարձն անխիղճ՝ Մորթելով հոն՝ փոխանակ գայն փրկելու աղճապիղծ:

Անկարող եք հանդուրժել ձեր հանդեպ երախտամոռ գտնված հյուրի պահվածքը, զայրագնած ու մոլեգին պատրաստ եք պատառ-պատառ անելու երկուսին էլ վրեժի գեհենը այրում է ձեր հոգին: Ու այն պահին, երբ սիրահար զույգն արդեն հատում էր սահմանը Շիրակի, խոլ կատաղությամբ արձակեցիք ձեր նետը սուրսայրի ու ժահրահոտ, որ «մխվեցավ վարձակին ծոծրակին մեջ լուսաբուխ»:

Կույր մոլուցքին գերի՝ այդպես էլ չիմացաք, որ խոցեցիք ու փշրեցիք «դաշնակության ու գեղի աստվածակերտը գոհար»:

-Նահապետն ալ վեր ցատկեց տեղեն իբրև քանասար.
 Գնաց, որ հարձն ազատե, ջախջախե գլուխն Ասպետին,
 Որ կինն իր տան մեջ կլկեր՝ իբր իր ողկույզն իր տաշտին:

Հարցեր

- 1.Ինչպե՞ս կրնութեաք Ձեր միջավայրի վարքն ու բարքը և ժամանակաշրջանի պատկերը:
- 2.Որտե՞ղ եք տեսնում ձեր հեթանոս մեծության հզորությունը:
- 3.Ինչպիսի՞ դրամատիկ ապրումներ ու լարվածության զգացում ունեցաք, երբ տեսաք, որ Նազենիկն ինքնաբուխ տրվում է Տրդատին:
4. Ինչու՞ չէր կարող Տրդատը տիրել Նազենիկին. չէ՞ որ ինքներդ էլ մի օր ձեր հաղթ բազուկի գործությամբ տիրացաք նրան:
- 5.Ինչու՞ ձեր զգացմունքը Նազենիկի հանդեպ կարելի է որակել կիրք, բայց ոչ երբեք սեր:

Հարցեր

- 1.Ներկայացրե՛ք ձեր ներաշխարհի փոթորկումները, երբ պարզեցիք, որ Նազենիկն ու Տրդատը փախել են միասին:
- 2.Ի՞նչ փոխվեց ձեր մեջ Նազենիկի հանդեպ:
- 3.Ի՞նչ կլիներ, եթե հասնեիք փախչող գույգին:
- 4.Վերջիվերջո դուք չհասաք նրանց, հետևաբար ինչու՞ չընդունել, որ հեթանոս ժամանակներին համահունչ, ազատ սերը հաղթելու իրավունք ունի:
- 5.Ի՞նչ տարբերություն կա ձեր և Տրդատի միջև, որ Նազենիկն ընտրեց նրան:

Հուշում

Բոլոր հարցերին պատասխանելիս պարտադիր է առաջնորդվել տեքստով, բերել տեքստային մեջբերումներ՝ ասվածը հիմնավորելու համար, ընդգծել վարուժանական առնական խոսքի ուժը փաստող բառեր, արտահայտություններ: